

シート番号	7103-01	名 称	白井為吉碑
分 類	記念碑	場 所	人見 青蓮寺
小 分 類	戦役関係碑	メッシュ番号	1815
年 号	和暦：明治36年6月21日 西暦：1903年		
形 状	厚板型		
サ イ ズ	166×85×11 c m		
画像番号	7103-01-01		

碑吉為井白



コメント；榎本武揚篆額、巖谷修書。碑文は次ページ参照。

## 碑吉為井白

吁嗟吾友白井為吉君逝矣君明治十二年五月生於南総人見父名元吉母平野氏家世業農漁資性孝義鄉党稱其篤行年十七喪母其疾也憂慮兢兢興兄太喜藏戮力慰勞無不及及瞑哭泣哀戚至廢寢食既而父亦嬰患湯藥無驗殆不省人事於是家資一空君克護父助兄百難不撓日夜勤勉家道復興焉三十二年十二月應徵入橫須賀海兵團為五等水兵累進二等射手先是入團令下也奮然告兄曰阿爺之事專委之君弟自今舍一身以答聖恩身分并出矣三十三年六月團匪之變從軍南清遠溯揚子江警戒沿岸時炎暑如燬艱不可言君志氣凜々屢率先隊伍冒危難不為少屈居六閱月而旋因功賜金三十円無幾罹病入橫須賀海軍病院數旬遂歿寔三十五年六月二十一日也君臨終從容謂衆曰我幸生聖世苟入軍籍期擲微稱並寸功而今也如涖嗚呼天矣夫聞者為流涕其義勇之氣至死不衰享年二十有四歸葬於故園藥師堂先塋之次頃者鄉人胥議欲樹石傳不朽以余與君親屬余銘之銘曰

入則孝純 出則義烈 孝通鬼神 義貫金鐵 窮厄弗憂 艱難弗折  
皎々厥誠 凜々厥節 獅山巍々 千秋不缺 絲水溶々 萬古不竭  
精魂歸天 遺德明徹 譽与山高 譽与水潔

海軍中將正二位勲一等子爵榎本武揚篆額

秋元源五郎謹撰

維時明治三十六年六月二十一日

正四位勲三等巖谷修書

白井峯三郎刻